

趙恭毅公自治官書類集

趙恭毅公自治官書卷之六目次

長沙何祖柱蒐輯

奏疏

題謝俞允預撥兵米疏

請將烏鎗編烙發存疏

題兇苗龍柳墩等拿陷良民勒贖再犯依例擬斬

立決疏

題盜犯劉丑生等行劫梅秀生照例免死疏

請將巡檢移駐南嶽疏

題文次武等溺死竊賊曹子連招罪疏

題黃天祐等因姦謀殺親夫招罪疏

題報本都院赴嶽祝 聖日期疏

叅袁學道考試月濫疏

題覆部駁何儒超身死疑案緝兇另結疏

報祝 聖回署疏

題趙承錫因姦殺死義子招罪疏

題李永茂與黃仲康扭結誤踢其妻周氏身死疏

題王有伯等溺死唐時用等四命招罪疏

題將倉穀停借發糶疏

題叅署縣私開錫礦疏

茶陵州叅革李牧私派漕費疏

謝 欽賜長子熊詔進士及第疏

題羅瀨子强姦殺死彭氏招罪疏

題袁宋生因姦逼縊蕭氏招罪疏

叅衡協朱副將支米無還疏

報赴獄陪祭回署疏

叅沅江縣陳令貪劣疏

自前年言  
名二  
褫革武生吳岸子主令溺死鄒元卿招罪疏

題陳榮生等行刦周文初招罪將蘓大等援例免死疏  
李四等謀殺錢松嫁賣其妻招罪疏

太陽屯請照民地科則疏

叅綏寧吳令臨口巡檢互訐疏

題叅郴州何牧誣陷李鳴山并監斃平民疏

題艾彩臣等拐賣人口援赦減等疏

題報親詣衡永等處查看水路疏

叅朱副將虛兵冒餉疏

題請嶽廟僧綱道紀准給印信疏

叅永州鎮唐遊擊縱兵肆橫疏

各衛人命案拘解違限處分例疏

題報查看水路情形併回署日期疏

摺奏湖南運米買賣人姓名數目稿

題龔文奇打死龔禹生情急救父免死減等疏

題謝衆生推跌胞兄謝道生身死畱養疏

題鄭遠英溺死服姪鄭丁又熊青溺死于熊省一

案將流犯援赦疏

題永壽司巡檢請給俸工銀兩疏

叅鄜縣張令派費併請照例清丈疏

題大刺司巡檢五寨司吏目請照邊俸陞轉疏

四十八年 大計附薦各官疏

四十八年 大計入法各官疏

題明俞提督回奏虛兵月餉情節疏

題捕役易珍等誣良爲盜援赦疏

題李南明毆死胞兄李爾如奉 旨不准畱養疏

請仍照例支給節婦建坊銀兩疏

趙恭毅公自治官書類集卷之六

長沙何祖柱蒐輯

奏疏

題謝俞允預撥兵米疏

同十八年正月

爲仰請 題達叩謝

天恩事該臣看得湖南兵米於春夏資黃不接之時徵收南秋二米以給軍糈民既難於早完兵不免於守候是以臣請將上年解存南秋米石預撥次年春夏二季兵米其秋冬二季就於七月新徵內支給經臣兩次會



題部議未經允行臣以兵民疾苦久歷

宸衷復又冒昧會疏 題請三叩

聖恩荷蒙 勅部覆允奉

旨依議欽此欽遵在案部文到日臣卽轉行通飭遵照  
一時兵民鼓舞歡呼震地咸稱自此以後民鮮追呼之  
苦兵獲飽騰之樂皆賴

聖天子軫恤之

洪恩茲據闔屬里民宋之秀等各標協兵丁黃啟先等  
環繞臣署呈請 題謝前來事關輿情感激不敢率於

上聞臣謹會 題伏乞

皇上睿鑒施行

請將鳥鎗編烙發存疏 四十八年正月

爲欽奉

上諭事該臣看得禁止民間私藏鳥鎗一案臣准部咨隨欽遵轉行布按二司通飭查禁并取該地方官並無私藏印結詳報嗣據長沙府呈詳請將現存鳥鎗編號烙印給發緣由又批仰該司等確查通詳去後茲據按察使郎廷棟署布政司事郎廷棟會詳內稱湖南地方苗獠雜處深山大澤奸宄易潛雖有防兵不時搜查尤賴居民守望相助民間向有鳥鎗若令其盡行繳銷改換

一尺五寸則器短無以致遠不惟附山居民難以制禦  
猛獸且恐崗穴苗蠻或有制人之具居民反無捍衛之  
資請將現在烏鎗烙印編號給發收存以脩急患等因  
會詳前來臣查烏鎗乃營伍兵器民間允宜禁止惟是  
湖南所屬苗徭雜處者已過其半而無苗州縣多係深  
山大澤民間向有烏鎗實爲防苗衛身之具若驟行禁  
止則匪類反得挾凶器以傷人而良民不免竟束手以  
就斃所以衆心皇皇恐難禦暴除已遵照部文通行查  
禁并取印結另咨送部外但地方險易既有不同而烏

錄禁止似難一例伏祈

皇上俯念邊方不可無備將湖南各屬現在所繳烏錄  
准令該地方官於木桿之上刊刻州縣姓名烙印編號  
給發收存以防急患仍嚴飭不許擅帶行走或有商民  
續請造用者令其照造一尺五寸之式送官刊刻給發  
如有私藏不送官編烙者照例治罪庶奸宄不致無忌  
而小民得以自安矣臣謹會題伏乞  
皇上睿鑒施行

奉

歸治官書

卷六

奏疏

馬錦綢格

四

懷策堂

旨這事情着照該撫所請行

題兇苗龍柳墩等拿陷良民勒贖再犯依例擬斬

立決疏 四十八年正月

爲呈解拿獲兇苗事該臣看得龍柳墩等係廳員任意  
尋事案內勒拿究擬之兇苗緣某年月日夜柳墩糾子  
龍老丑等將兵丁王四房屋燒燬殺死伊媳楊氏捉拿  
伊妻子女復勒王四牛二頭作銀五兩柳墩又勒背手  
銀一兩入已始將伊妻子女放出又龍老納於某年月  
日探知瀘溪縣民張君明楊習然同至魚梁坳地方老  
納邀同苗人龍柳補等將君明等捉拿習然年老行走

維艱老納卽執刀砍其頸脖柳補復砍一刀殞命老納等復將君明寄於老鮐家轉賣得銀二十兩衆苗瓜分君明奔逃爲所弁宋純漢送出又老納於某年月日有民向大舉等偕至滾龍坡老納卽邀同龍老三等捉拿大舉等大舉奔脫榮賢被陷勒贖銀二十六兩衆苗瓜分放出榮賢又民人張茂極於某年月日在太廖潭經過被苗龍柳墩等糾苗龍老三等將茂極拿陷勒贖銀一十六兩衆苗瓜分始將茂極放出以上各案歷審供認不諱除未獲兇苗龍老丑等飭緝獲日另結龍柳墩



龍老納合依 新例內開嗣後如有仍前伏草捉人枷  
扭在巢勒銀取贖再犯者不分首從皆斬立決龍柳墩  
龍老納各應斬立決理合具 題伏乞  
皇上睿鑒勅下三法司核擬施行

奉

旨龍柳墩龍老納俱着卽處斬餘依議

題盜犯劉升生等行劫梅秀生照例免死疏四

十八年二月

爲稟報事該臣看得梅秀生被劫一案緣已故盜首蕭  
丑生商謀劉庚龍行劫秀生家同夥九人某年月日會齊  
文珍洞察內陳石養等各帶銃火等械二更時候偕抵  
事主之家庚龍等拆木細紫靠搭屋簷土秀開火燃齊  
同庚龍上屋掀尾撬椽相繼而下蕭丑丑劉鳳仔在外  
把風事主驚起瓦落傷額開門奔逃喊鄰救護各盜搜  
劫衣物聞聲奔出回至寮內分駐造飯地隣追至當獲

陳石養等四名搜出所劫鐵鍋等物隨將人贓解縣究  
出逸盜姓名住址通詳咨緝續獲劉庚龍等到案歷訊  
供認不諱除蕭丑丑等病故毋庸議外劉鳳仔劉丑生  
依律斬決查劉丑生上盜時年止十五且係蕭丑丑逼  
令入夥致罹法網但據該司按康熙三十九年八月內  
三法司議覆浙撫題周二案內之卜弟免罪減等流三  
千里仍照例收贖等情應否俯聽部議理合具  
題伏乞

皇上睿鑒勅下三法司核擬施行

刑部議 應斬立決之盜犯劉丑生該撫雖稱上盜  
時年止十五應照強盜卜弟免死擬流收贖等語但  
恩詔內強盜不准援免且劉丑生又曾分贓不便准其  
收贖應僉妻流三千里至配所杖責再查定例一案  
內監斃或中途死者但至三名其承審各官議處今  
此案途斃二命監斃五名該撫止將管獄官指叅應  
令將承審各叅補官并管獄官再議再查律內凡常  
人捕獲強盜一名各賞銀二十兩強盜五名以上各  
與一官名數不及折筭賞銀等語今該撫雖稱鄉隣

等擒獲四盜係何人獲盜幾名並未分晰聲明係按擒獲盜賊名數給賞議叙不便遽議應亦令查明到日議叙可也奉

旨應結之事卽當議結不必數駁致增事端從前屢下嚴旨甚明這案內擒獲盜賊人等應賞之處部議應行文該撫察覆到日再議殊屬不合況部院大臣並不詳察事情止據司官所言卽行議駁因而事務每致增多凡不當駁而駁者皆有情弊此等事情卽當議結該督撫完結之處自然題報着再議具奏

部覆 遵將此案盜犯陳石叢等彼時拿獲之隣居  
行令該撫查明照例給賞將劉鳳仔斬決劉丑生減  
等僉流折責奉

旨依議

請將巡檢移駐南嶽疏 四十八年二月

爲詳請移駐巡檢永崇壽嶽盛典事該臣看得南嶽爲

皇上主壽之山先經臣等會疏題請捐俸修建迄今殿宇臺閣墻垣亭榭煥然維新疊蒙

皇上親灑

宸翰寵錫

天章業已恭建

御書樓暨御碑亭凡屬臣民無不趨瞻瞻仰茲據布

政司詳據衡州府議稱嶽廟進香人民男女紛集恐有  
奸宄之徒借端生事議以久委在嶽修理之草市巡檢  
劉長慶移駐嶽廟改爲永壽司巡檢再以衡陽縣奉裁  
之江東巡檢馬捷移駐草市巡緝各照舊支給俸工等  
因具詳前來臣思嶽廟旣告成工欣逢

聖筆之光懸兼仰

御書之寶貯若非專員崇奉恐致褻慢相應 題請以

久委在嶽修理之衡山縣草市巡檢劉長慶移駐嶽廟  
改爲永壽司巡檢稽察崇奉并請 勅部另行鑄給印



信以重職守至草市巡檢員缺卽以衡陽縣奉裁之江東市巡檢馬捷移駐草市巡緝原領印信繳部查銷餘名山得有專司而

盛典永垂萬世矣伏乞

皇上睿鑒施行

吏部議 應如該撫等所題移駐其永壽司巡檢印信該撫移咨禮部鑄給江東市巡檢印信繳部銷燬可也奉

旨依議

題文次武等溺死竊賊曹子連招罪疏 四十八年

二月

爲報明年結事該臣看得曹子連被文次武等謀死一案緣子連與曹爾玉文井保同竊文來之等耕牛二頭當經失主知覺追捕趕至十八都地方已爲練總廖君選盤獲來之等認識將人牛領回拴吊蓮塘寺迨井保之父文楚太得信往視恨子不肖痛加拳毆井求來之等免其送官即將井保領回而曹爾玉之兄曹子玉亦將爾玉領歸是日有事外褫革之武生文次武等會集

蓮塘寺次武倡言子連偷牛賊骨爲害地方不如沉河  
淹死令曹肖保曹次葵將繩拴梃脚夾訊子連有無再  
偷別人牛隻彼因天晚未及沉河至二十四日次武復  
至寺內遂令肖保次葵將子連淹死而肖保次葵遂將  
子連藤繩細手棕索繫項牽至上塘橋沙坪地上又以  
竹篾縛住昇擲水中復見子連在水身動次葵又以草  
叉叉時肖保以石壓腰子連立即殞命撈起身屍文九  
荷等擡至屋後掩埋後曹昆山撞遇子連之弟曹子達  
令其領屍九荷指引挖出燒燬携歸而楚太子玉亦於

是日各將子弟并保爾玉自行溺死報州通許先據知  
州何瑞涵審係曹子達同文九苟溺死子連將子達九  
苟擬以凌遲絞罪解司供情不符委長沙府就近確審  
今據該司審解臣覆親訊各犯供認不諱文次武溺死  
子連之時雖未到場但先倡言弄死又復夾訊主令除  
教令子達承認捏結輕罪不議外查律開謀殺人其造  
意者身雖未行仍爲首論文次武合依謀殺人造意者  
斬律應擬斬監候曹肖保曹次葵俱合依謀殺人從而  
加功者絞律應擬絞監候曹開成曹兩玉曹純一溺死

子連之時雖俱未到場但文次武倡言沉河俱皆附合  
僉言弄死合依謀殺人爲從者不行減行者一等杖一  
百徒三年律應各杖一百徒三年曹昆山等除拴鎖移  
屍教令承認各輕罪不議外合依知人謀害他人不即  
阻當救護事後不首告者杖一百律應各杖一百折責  
文楚太合依非理毆殺子孫者杖一百律應杖一百折  
責曹子王文子進已經病故應毋庸議曹子達與文九  
苟燒燬兄屍情出無奈與無故燒燬者有間亦應免議  
至先經承審此案郴州知州何瑞瀾將無罪屍親曹子

達擬爲凌遲又將應擬滿杖之文九苟擬爲絞罪相應  
附叅臣謹具 題伏乞

皇上睿鑒施行

奉

旨文次武依擬應斬曹肖保曹次葵依擬應絞俱着監  
候秋後處決餘依議

趙黃天祐等因姦謀殺親夫招異疏 四十八年二

月

爲哭起兄屍事該臣看得黃天祐黃應生因姦謀死鍾  
君璽一案緣天祐與兄應生俱與君璽妻潘氏通姦欲  
謀死君璽與娶潘氏邀約君璽同至七里橋沽飲後天  
祐復買酒携至君璽家共飲先將伊子老伯灌醉潘氏  
亦睡天祐持斧將君璽劈頭連擊二斧昏倒牆邊應生  
復拾斧擊頭上一下當卽殞命老伯起視天祐并將老  
伯打倒將君璽背至屋後溪邊同應生掩埋後潘氏知

覺避罪不報老伯畏其強暴含默不言屍弟鍾遠襲等  
屢問潘氏惟以夫往卅州爲詞某月內遠襲接潘氏歸  
家天祐持銀二兩免遠襲主婚將潘氏改嫁應生遠襲  
生疑盤詰潘氏始吐前情復行盤問始知埋屍溪邊歷  
審供認不諱黃天祐合依凡因姦謀殺親夫姦夫處斬  
律應擬斬監候黃應生合依凡謀殺人從而加功者絞  
律應擬絞監候潘氏與天祐等通姦以致謀死親夫雖  
審不知情合依凡姦夫自殺其夫姦婦雖不知情絞律  
應擬絞監候俱不准援



赦老伯目擊伊父被殺不卽鳴官究擬何辭但念其時  
年幼又爲天祐等恐嚇阻抑情有可原應請寬免臣謹  
具 題伏乞

皇上睿鑒勅下三法司核擬施行

奉

旨黃天佑依擬應斬黃應生潘氏均依擬應絞俱着監  
候秋後處決餘依議

題報本都院赴嶽祝 聖日期疏 四十八年三月

爲恭報微臣赴嶽慶祝

萬壽日期仰祈

府鑒事竊照南嶽爲

皇上主壽之山殿宇大工甫經告竣

御書龍錫永賁南邦茲康熙四十八年三月十八日恭  
逢

萬壽之辰普天莫不忭舞率土共慶 升恒臣瞻嶽匪  
遙呼嵩念切謹於康熙四十八年三月初十日恭詣

壽嶽建壇設醮祈祝 萬年永迓

天保之庥祇効華封之頌所有微臣赴嶽慶祝

萬壽日期理合恭疏 題報伏乞

皇上睿鑒施行

叅袁學道考試冒濫疏 四十八年三月

爲冒濫風靡遊示申報籲賞提究以崇大典以肅學政事該臣等看得欽惟我

皇上崇儒敷教升俊育才於學政一差尤爲慎重併

御製考試欺詩以示戒飭凡係學臣自宜矢公矢慎遴拔真才以仰副

皇上闢門造士之至意茲湖廣提學道僉事袁某上年到任臣諄諄勸勉望爲好學道上報

聖主簡任之恩下開多士功名之路該道上年歲考長

自治甫書 卷六 奏疏 袁學道冒濫 八 袁袁堂

衡岳郴四府州生童奉法秉公頗孚輿論並無間言乃於場後補行歲科常德府物議沸騰訪聞該道縱役招徠包攬而署常德府事岳州府同知吳某徇情濫送以致人心憤怨正俟查實糾叅據生員丁用有等僉呈到臣臣隨提訊併發按察司嚴究又據該道夜役蕭開美郎蕭君美供出學道皂快楊開泰夏正寅束房王舜俊包攬官事併行該道解究但原呈既稱冒濫若不覆考難辨優劣隨將該道歲科兩考取入常德府學武陵縣童生傳至臣署封門編坐出題考試首題吾未見剛者或

對曰申棖次題行天下之大道臣親加校閱除文理平常及篇內小疵不議外如某某等十七卷俱不便仍准濫取併將試卷七十本送部查核則提學道僉事袁某之考試不公署常德府事岳州府同知吳某之徇情濫送誠不能爲之寬也正在繕疏會叅間據布政使佟國勣按察使卽廷棟詳報相同臣思學道職典衡文若所取不堪何以表式士子學道由臣等考核若徇庇不言不幾重負

聖明爲此會疏 題叅仰祈

皇上勅部將袁某吳某嚴加議處併將某等飭行革除  
以釐考弊而光大典則試事不致混淆而真才可期  
登進矣再違禁冒進及書役包攬情弊應俟提到楊開  
泰等併武童熊某陳某到日該司審詳覆核另行具  
題合併陳明除將覆考原卷送部外臣謹會

題伏乞

皇上睿鑒施行

奉

旨這案原係趙申喬題叅仍着趙申喬審明具奏

題覆部駁何儒超身死疑案緝兇另結疏 四十八

年三月

爲打死人命事該臣看得何儒超身死一案先因真兇未獲証佐無據經臣咨明刑部俟訪緝真兇究擬另結部覆行令再加確審定擬具題緣由又經歷訊各犯毫無致死確據仍照原議依限 題明嗣准部覆以劉周上等知何儒超昏夜獨歸另行遣人邀截中途毆死拋屍故與何儒超胞兄至城同行歸家預爲脫身之地亦未可定况承審命案盜仇未明者必須審出真情方可



定案嚴緝今已故何儒超身邊並未帶有財物所着衣服亦未剥去除與劉周上等互訐之外更與誰人有仇俱不曾審出承審各官既立案完結與例不符應仍令將真情審出定擬具題完結等因隨行據按察司審解到臣臣覆詳加親訊俱與原審供情無異臣查何儒超與劉周上互爭墳地彼此赴縣具控周上等主於城內張志鳳家僑超寓於城外蕭盛生家因該縣公出控捕不准各回寓所並未覲面禁城相隔何由而知儒超彼日晝夜獨歸另行遣人截毆如謂周上等彼夜潛往下

手打死不惟禁門扇閉卽查訊懶坪地方距城三十里之遙揆非竟日不能往返安能於二十六早再赴補控且周上等設有陰謀密害何不謀於未告之先猶可滅跡乃反謀於告狀不准之後自露形跡直待二十七日因儒超至親黃戌保等至寓勸和方始同歸至於儒超身邊並未帶有財物所着衣服亦未剥去除與劉周上等互訐之外更與誰人有仇之處查當日與何儒超爭墳構訟者係劉養苟也因養苟年幼故倩周上等同伴赴控無論墳山與周上無涉且無夙怨卽訊據屍弟何

蘭莽亦供訪了三年實沒証見並不知與誰人有仇況  
狀未告准事未斷屈旣無深仇大怨何致頓起殺機遣  
人截殺斃命此劉周上之極口稱冤堅供甚明是何儒  
超之毆死無証劉周上等在城有據卽質之何蘭莽惟  
照原供自然是他打死想來是他打死實出摹擬之詞  
並無確實指証臣於此案歷審三次反覆究詰各犯供  
吐不移事關人命重情何敢妄爲臆擬相應仍照原議  
題明俯俟訪緝真兇究擬另結庶真犯不致漏網而無  
辜免受拖累矣臣謹具 題伏乞

皇上睿鑒勅部議覆施行

刑部議 應將劉周上等暫行保釋仍令該撫照例  
勒限嚴緝真兇務獲究擬具題可也奉

旨依議

報祝 聖回署疏 四十八年三月

爲恭報微臣赴嶽祝

聖回署日期仰祈

屏鑒事竊照臣恭詣嶽山建醮虔祝

萬壽祇宿齋宮啓建

萬壽醮壇越十八日黎明臣率同文武各官齊集

萬壽宮望

闕叩祝維時千峯獻瑞烟籠繡嶺之巔百谷騰輝雲接  
篆香之縷迨夫遠近耆庶莫不焚頂懽忭共伸頌禱於

嗚呼同慶升恒之天保從此苞符協應永迓滋至之休  
圖錄長凝遙紀無疆之曆臣於二十六日抵長沙府臣  
駐劄衙門所有微臣祝

聖回署日期理合恭疏 題報伏乞

皇上睿鑒施行

題趙承錫因姦殺死義子招罪疏 四十八年三月

爲稟報事該臣看得趙承錫先年價撫宜章縣民李方  
定更名趙國忠爲子旋又價買粵東婦謝氏爲媳詎承  
錫見妻李氏與國忠收獲田間乘謝氏獨處奔歸調戲  
氏拒不從訴夫國忠欲舉火焚屋李氏勸止迨李氏歸  
寧國忠看友未歸承錫於是夜謝氏寢後衝門入房以  
被封其口力抱強姦次日國忠歸氏卽告知國忠持刀  
欲殺爲李氏奪刀打斷國忠揚言必欲洩恨承錫遂萌  
殺機密求幫助誘妻舅李顯朝許牛一頭復誘姨夫羅

祥明許銀三兩顯朝等誘約國忠往臨武賀易八月二十四日起程是夜三人投宿常寧歇店承錫尾後潛宿店旁空屋半夜先往柵木嶺伏草以待次早五更國忠等經過承錫突持扁担擊國忠腦後等處國忠氣尚未絕承錫復搥其額頰并用扁担戳抵咽喉國忠卽時殞命歷審供認不諱查條例內開義父母若犯義絕並同凡人論今趙承錫強姦義子之妻應同凡論除強姦異姓義子婦輕罪不議外合依凡謀殺人造意者斬監候律應擬斬監候李顯朝羅祥明合依凡謀殺人從而加



功者絞監候律各應擬絞監候謝氏審被承錫強姦告  
訴國忠國忠有殺父之言以致承錫謀害寔不知情查  
律載強姦者婦女不坐謝氏應毋庸議臣謹具 題伏  
乞

皇上睿鑒勅下三法司核擬施行

奉

旨趙承錫依擬應斬李顯朝羅祥明依擬應絞着監候  
秋後處決餘依議

題李永茂與黃仲康扭結誤踢其妻周氏身死疏

四十八年三月

爲登死妻命事該臣看得李永茂踢傷黃仲康之妻周氏身死一案素無仇怨緣永茂先佃梁在中之田曾經挑糞在中以永茂住居寫違復將所耕之田轉佃仲康耕種議令仲康於秋成之時給穀五斗以償永茂工價某年月日永茂往索前穀仲康僅與穀二斗永茂喚其短少互相爭嚷有李西林經過其門聞嚷進屋勸令塉穀五升永茂猶爲未足彼此扭結永康欲以脚踢仲康

自前年書 卷一  
適仲康之妻周氏出護其夫以致誤踢周氏腹結當卽  
仆地仲康扶入臥室逾時殞命歷審供認不諱李永茂  
合依鬪毆而誤殺旁人者以鬪毆論至死者絞律應擬  
絞監候茲據按察使卽廷棟招解前來臣覆審無異理  
合具 題伏乞

皇上睿鑒勅下三法司核擬施行

刑部議 李永茂依鬪毆誤傷旁人以鬪毆論擬絞  
監候事犯 赦前應將李永茂免死減等僉妻流三  
千里至配所杖責仍追埋葬銀四十兩給付死者之

家可也奉

旨知道了

司官許大卷上六集

李承茂後許大氏

王

懷策堂

題王有伯等溺死唐時用等四命招罪疏 四十八

年四月

爲擅殺兄命事該臣看得王有伯蔣景翰等溺死唐時  
用胄玉卿蔣伯玉蔣鳳生四命一案素無仇隙祇緣已  
改之賀子鳳失去耕牛二頭沿門搜查無獲旋於地名  
古塘廟牽拾無主牛二頭因無人認識遂謂地方偷牛  
日多遍發傳帖訂期會團蔣其蔡等同衆赴團會議公  
禁其蔡起立草稿賀是添改曾爾霞等各將草稿謄清  
一紙以爲齊心防盜之舉詎子鳳創設丟鐔令衆人暗

投偷牛姓名於罈內子鳳倒出看視見係時用玉卿伯  
玉鳳生四人名字卽將在塲之時用玉卿鳳生用繩索  
拴住維時伯玉未到子鳳遂向伊同祖之弟蔣子玉尋  
要伯玉詢之蔣昇安隨答應尋來辯明子玉往尋伯玉  
不意王有伯乘醉赴塲聲言必要送官子鳳荅以沉河  
省事有伯子鳳景鰲等卽用篋細時用玉卿三人因時  
用等不服有伯拳傷時用左腮頰右脊脅又拳傷玉卿  
左乳景鰲棍傷時用右後肋用刀砍玉卿偏右兩傷適  
楊子榮路過河邊景鰲責以會團不到迫其同細鳳生

子榮因母病情切細畢而歸而子鳳卽棍傷鳳生右胎  
膊右脇拳傷右肋有李光一在場勸時用扳髻待質姑  
緩沉河因時用回言誣伊同夥光一忿怒遂持刀砍傷  
時川頂心偏左偏右值子玉尋獲伯玉辯明子鳳卽行  
扭住景韶亦用篋同細并持刀砍傷伯玉偏左用棍毆  
傷右腮頰子鳳有伯景韶三人將時用等四人先後拉  
推下水時用浮起水面子鳳用篙攔落牙齒二個將四  
命一齊淹死歷訊供認不諱賀子鳳自縊身故毋庸議  
外王有伯蔣景韶合依故殺者斬律均應擬斬監候楊

自治官書

卷六

奏疏

王有伯招罪

元

懷策堂

子榮雖未同行下手沉河但聽從景韻指使綑綁查康熙三十年閏七月內浙撫題徐慧等致死小功姪徐小恩一案律內故殺並無爲從之人作何治罪之條徐卓應比照同謀共毆人致死爲從執持兇器有致命傷痕律發邊衛克軍奉

旨依議欽遵在案楊子榮亦係故殺爲從之人應照例發邊衛克軍但據供伊母年老家無次丁應俟飭令查明虛實再議查光一番未同行綑綁但持刀砍傷時用頭顱三處合依執持兇器有致命傷痕律發邊衛克軍



蔣其素各照知人欲謀害他人不即阻當救護者律均  
應各杖一百曾爾霞等各照不應重杖賀子鳳牽獲無  
主耕牛二頭變價入官再照首犯賀子鳳違例發保以  
致該犯懼罪自縊又此案初招未經審出真情均係未  
陽縣降革知縣王賜召相應照例附叅臣謹具  
題伏乞

皇上睿鑒施行

奉

旨王有伯蔣景縉俱依擬應斬着監候秋後處決餘依

議

題將倉穀停借發糶疏 四十八年四月

爲倉穀出借生弊請發糶便民以重儲積事該臣看得  
積貯常平倉穀原以救荒備賑又慮積貯年久恐致泯  
爛故設有出陳易新之法每年以一半存倉備賑以一  
半於青黃不接之時借給窮民令其秋收照數還倉造  
冊報部茲據該司詳稱湖南積貯倉穀各府州縣遵照  
春借秋還之例於每年 奏銷前盤查出結後卽令州  
縣衛遵行出借今查各州縣於秋成後有具報還倉者  
亦有拖欠逾年催比不完者更有屢年積欠以致官受

叅罰者緣法久弊滋多爲棍蠹捏名冒借侵欠不完致  
倉項虛懸官徒受累民不沾惠更有可疑者州縣倉穀  
於每年 奏銷前知府盤查出結後卽令出借於民倘  
州縣或有虧空知府不難徇庇但以盤後旋借爲辭假  
捏借領誑造花戶冊籍便可掩蓋及至秋成無補又恐  
叅罰復捏報收還次年盤查復蹈舊轍逋年遞蓋弊無  
底止查從前報叅各官每有倉穀不清未必不由此故  
是出借之法未若發糶之爲便且各省亦有存七糶三  
之例請照康熙二十年前撫題請發賣之法於每歲春初

按數減糶以平市價等因呈詳前來臣思倉穀一項將一半於春初借給窮民秋收還倉其法未爲不善但日久弊生或棍蠹假名冒借或州縣虧空捏造均未可定且州縣出借亦止借與有田之戶以防拖欠而無田者不能希與斗升其或借與有田之家則必取保戶結狀以備查追而保戶因之捐勒需索十去二三每年雖有出借之名而窮民不蒙借出之惠現經出借穀石有連年積欠徒受考成之累無裨倉廩之實相應據詳

題請仰祈

自治官書

卷六 奏疏

請倉穀發糶

三

懷策堂

皇上勅部允臣所請嗣後將湖南各屬積貯倉穀仍照前撫臣王樑題請糶賣之法循各省存七糶三之例於每年春初穀貴之際按三分之數減價發糶止許賣給真正窮民至多不過五斗其所賣穀價不必解府致有出入畱難該州縣卽眼同佐貳首領及該學教官并同城分防武職驗明存貯縣庫仍出結具報以杜侵那俟秋成後各該州縣照時價買補如有贏餘卽多買穀石存倉報明備賑下年知府照買數盤查其有虧空卽以侵欺詳奏如此則倉儲得以實貯貧民實蒙利益而

棍蠹假冒之弊從此永杜州縣虧空之私亦難掩蓋矣  
臣謹會題伏乞

皇上睿鑒施行

戶部議 查常平倉穀原以備賑應如該撫所題將  
各州縣存倉穀石於春初穀貴之時存七糶三秋成  
後照時價買補還倉備賑備造清冊送部倘州縣官  
有捏報等弊該撫卽行指名題叅可也奉

旨依議

題參署縣私開錫礦疏 四十八年四月

爲特參署員藐法違禁私開礦廠以肅

功令事竊照湖南所屬地方原有鉛錫各礦自奉

旨封禁不許開採凡屬臣民自應恪遵乃不意有署耒

陽縣事武岡州州同林某利慾薰心蔑視法紀於康

熙四十七年十二月聽信蠹書鄭雲昇等擅給坑官毛

永芳印票通同山主棍徒鄭凌雲等私將嶺背灣地方

錫礦違禁擅行開採又發銀差周文買錫每百斤虧價

銀十二兩致鄭偉進等賠買繳官種種不法臣訪聞既

自治官書 卷六 奏疏 參私開錫礦 語 襄策堂



確正在繕疏間據布政使佟國勳等揭報前來與臣訪聞無異似此違

旨私開錫礦買錫短價累賠誠難一日姑容以貽民害所當據實糾叅請

旨將林某革職與有名蠹棍一併嚴提究擬以儆官邪以肅法紀者也臣謹會題伏乞

皇上睿鑒施行

茶陵州叅革李牧私派消費疏 四十八年四月

爲揭叅私派以儆官邪以甦民困事該臣看得臣以一介庸材荷蒙

皇上高厚隆恩畀以湖南重寄又念小民之疾苦總由貪吏積習未除特頒

上諭盡革私徵臣蒞任以來誥誡屬員不啻再三務期滌慮洗心不負

皇上愛育黎元至意查茶陵州叅革知州李士芳先因虧空倉穀製匾徧送私派謝儀肥己復又祭出重耗累

民俱經會疏 題叅奉

旨革職提審在案茲據布政使佟國勦等會詳內稱李  
某藉稱漕糧濫派使用於康熙四十五六兩年擅令  
經承費世高照依該州秋糧每石派銀六厘每年私派  
銀二百三十餘兩共派費銀四百六十餘兩詳請叅追  
前來臣查李某指漕濫派恣意害民雖已經別案叅  
革但據該司道等訪聞詳叅若姑爲徇隱則湖南有漕  
州縣俱將效尤不法藉端勒派臣何以仰奉

嚴綸俯恤民瘼相應據詳 題叅究追以爲私派害民

者戒至從前失察上司係原任革職布政使董昭祚原任革職長沙府知府崔岱齊合併陳明臣謹具

題伏乞

皇上睿鑒施行

奉

旨這所叅李士芳漕糧私派事情着該督一併審擬具奏該部知道

吏部覆 應將原任湖南布政使董某原任長沙府知府崔某均照例革職查董某崔某俱經別案革職

其革職之處仍行註冊又查漕糧係糧道管此疏  
內止將失察司府職名開報並未將管糧道職名  
開報相應將失察糧道作速查明開報可也

謝 欽賜長子熊詔進士及第疏  
四十八年四月  
爲恭謝

天恩事康熙四十八年四月十六日據臣提塘官陳輝  
資送殿試錄第一甲第一名趙熊詔

欽賜進士及第臣隨恭設香案望

闕叩頭謝 恩訖竊惟

彤墀奏對草茅端拜猷之忱

玉陛臚傳王國重賢良之選允

聖朝之鉅典尤下士之殊榮欽惟我

皇上竄聰明而作贊天地而泰 文教誕敷多士慶風  
雲之會

天章燦著萬方仰日月之光乃平治猶厯於

睿懷而諮詢下逮乎新進伏讀 制策首以任賢安民  
爲急務繼以戒欺去僞勵官方

帝訓煌煌臣心凜凜臣男臣趙熊詔達衡賤質章句庸  
才徒讀父書未識天人之義幸承

君命獲沾翰墨之香十載公車敢冀昂霄聳壑萬言應  
制無殊蠡測管窺愧小子之何知

御筆題爲第一念書生之特達

天恩寵賁無雙起自昇疏寧當百年之樹策非賈董豈  
占五色之雲臣猥抱孤踪謬膺 異數衰年無以報  
國感惟切乎生成場子不忘致

君志豈存乎溫飽惟矢教忠而教誠期不負科名以不  
負

君父願多福而多壽自克配

天地以克配

祖宗爲此具本恭 謝伏乞



皇上睿鑒施行

題羅瀨子強姦殺死彭氏招罪疏 四十八年五月

爲哭寃弟婦事該臣看得羅瀨子之致死彭氏緣廖奇龍廖奇麟寓居新化縣驛村後奇龍携妻彭氏搬居蓮荷塘帮耕有劉曹生常以米鹽借貸致與彭氏通姦後羅瀨子知覺調戲彭氏不從欲投衆理論曹生令瀨子出銀五錢交與彭氏息事至某夜曹生乘奇龍等外出至彭氏家姦宿適羅瀨子於屋後聞言推門捕捉彭氏扭住瀨子曹生潛逃瀨子淫心頓發與圖挾姦彭氏不允瀨子壓氏於床上見氏聲喊卽用手掐其咽喉當時

斃命經該縣據報拘獲羅瀨子等到案歷訊供認不諱  
羅瀨子合依因姦殺死者斬律應擬斬監候劉育生合  
依凡軍民人等與相等人妻通姦例應枷號一個月責  
三十板理合具 題正在繕疏間恭逢

恩詔下頒劉育生應得免罪合併陳明臣謹具

題伏乞

皇上睿鑒施行

奉

旨羅瀨子依擬應斬着監候秋後處決餘依議

題袁宋生因姦逼繼蕭氏招罪疏 四十八年六月

爲報明事該臣看得黃玉章之妻身死一案緣玉章寄居劉子見家子見姨姪袁宋生來家探望適蕭氏在厠屋撞遇宋生調姦蕭氏喊叫子見聞聲奔歸將宋生叱責而去至晚玉章外歸蕭氏告訴玉章遂欲赴縣控告爲劉魁甫等勸釋罰宋生出銀四錢玉章捨與駕渡之劉魁甫修船寢息其事不意十八日宋生復來蕭氏冒罵宋生酒醉放死適有尹自美力勸宋生回罵不已以致蕭氏受辱難堪至次早天亮乘宋生已去伊夫出外

無人蕭氏遂至子見牛欄自縊子見看見驚喊解救卽  
於是日半夜斃命歷訊自認不諱袁宋生合依因姦威  
逼人致死者斬律應擬斬監候劉子見等將宋生調姦  
蕭氏情由議罰私和均應予以重杖查劉子見等俱事  
犯在 恩赦以前應免罪劉魁甫所得銀四錢照追入  
官至袁宋生所犯係因姦威逼致死蕭氏罪在不赦與  
聞毆殺人援減之例不符合併陳明臣 謹具  
題伏乞

皇上睿鑒施行

奉

旨袁宋生依擬應斬著監候秋後處決餘依議

卷六

刑部

袁宋生招罪

四

懷策堂

叅衡協朱副將支米無還疏 四十八年六月

爲官支民米慘賣填補奏討避窮事該臣看得衡州協副將朱某於上年十月內差內丁李二總管楊三等向米店丁調仲等支米九十八石至今竟不償還屢行稟討置若罔聞丁調仲等苦累無伸於臣抵衡舟次聯名控追臣思朱某身爲副將受

朝廷參養之恩不思保障地方卽副

聖主軫恤黎元至意乃取米店丁調仲等米九十八石歷經九個月顆粒不還致丁調仲等慘賣傾賠殊屬溺

職臣忝奉

勅書如有武官騷擾地方攪害良民等事聽臣會同總督提督糾叅從重治罪臣目擊窮民哀籲實難緘默爲此會同督臣郭世隆提臣俞益謨合詞糾叅伏祈

皇上勅部將朱某革職併有名人犯嚴提究擬庶法紀肅而民生安永戴

皇仁於億萬年矣

兵部議 查定例內凡營兵或專管官係本身之事差遣或私令資易之處生事擾害者革職提問等語



應將副將朱某照例革職與有名人犯一併交與該督嚴提究擬具題可也奉

旨依議

自治室書

卷六

奏疏

奏支米無還

四

三

懷策堂

報赴嶽陪祭回署疏 四十八年六月

爲恭報微臣回署日期仰祈

睿鑒事竊照臣赴衡山陪祭嶽廟已經 題明在案十

一日黎明

欽差日講官起居注翰林院侍讀學士陳壯履竭誠致

祭臣恭陪行禮祇見香浮日月之臺七十二峯皆拱

極更看露灑竹松之嶺百千萬禩總長春臣於禮成之

後仍由水路起程已於十三日抵臣駐扎長沙府衙門

所有微臣陪祭回署日期理合恭疏

題報伏乞

皇上睿鑒施行

奏沅江縣陳令貪劣疏 四十八年六月

爲特揭貪劣縣令以肅法紀事該臣看得安民必先察吏而察吏首在懲貪臣自受事以來無日不以吏治民生爲念仍不時申飭屬員務期潔已奉公勤修職業以仰副

皇上休養黎元至意乃不意有常德府沅江縣知縣陳某者始猶勉力供職邇來利欲薰心罔顧

功令濫差緝訪索詐商民縱盜婪賍苛徵飽橐據布政使佟國勳等詳揭該縣借訪查民間翁媳通姦俗名燒

火老爲出差役聶祥等誣指客民爲燒火老復差許杏  
執持硃票拘拏詐銀八十四兩客總范公述過付宅門  
陳姓家人收繳又家人蕭耀生得銀八兩差役聶祥萬  
志各得銀四兩張陶五許以祿見封稱銀受害張聚侯  
證又典史俞廷弼差捕役於康熙四十七年三月內拿  
賊馬捫子收入縣禁陳令得銀八十兩將賊縱放將牛  
私賣贓銀十九兩捕役楊元可審又該縣舊有網課錢  
糧陳令本年加倍苛徵交網扒雞網排網每埠各徵銀  
三兩一錢推蒿網每埠銀六錢百張網每埠銀七錢縱

網每埠銀五錢流網每埠銀八錢每兩加隨封銀一錢  
網戶夏文啓等可審又該縣聽訟不明惟憑胥役簸弄  
顛倒是非民怨沸騰諸事叢脞似此恣意貪婪溺職害  
民誠難一日姑容貽累地方所當據詳糾叅請

旨將陳某革職并有名人犯一併嚴提究擬以懲貪劣  
而肅官箴者也臣謹具 題伏乞

皇上睿鑒施行

祝華武生吳岸子主令溺死鄒元卿拈罪疏 四十

八年六月

爲哭寃兄命事該臣看得吳岸子主謀溺死鄒元卿也  
緣元卿偷竊印成若家服條十一日元卿執簪買米被  
印如意認識同何仲玉將元卿拿送觀音寺查訊元卿  
直認吳岸子倡言溺水創立合同等稿令苟正瑞等謄  
寫又令如意伯飛將元卿船載擲水畢命迨鄒德卿控  
告岸子復捏載元卿曾有炮烙李君之夫婦喪命與圖  
掩罪楊從雲亦照供炮烙屬真并報三傷遂將君之墳

塚掘開倩李祥生等擡移橋峪雲從開棺用棍擊破君之頭顱并打斷右手骨殖歷訊各供如一吳岸子合依謀殺人爲首造意者斬律應擬斬監候楊雲從發墳開棺又打毀死屍審係李君之繼女婿查無服制應同凡論楊雲從除殘毀死屍輕罪不議外合依發掘墳塚已開棺見屍者絞律應擬絞監候又查名例律內發塚罪犯係常赦所不原今逢

恩詔內開別項死罪但減一等楊雲從應援

赦減一等杖一百流三千里不追埋塋銀兩何仲玉在



船盜槩審未下手苟正瑞何文克騰寫合同查何仲玉  
等各犯俱事在赦前應邀援免理合具

題伏乞

皇上睿鑒施行

奉

旨吳岸子依擬應斬着監候秋後處決餘依議

題陳榮生等行劫周文初招罪將蘓大等援幼例

免死疏 四十八年六月

爲報明事該臣看得周文初被盜劫殺緣已獲盜首陳榮生夥盜蘓能世等并未獲舒天海共四人榮生因借銀未果於康熙四十七年五月十八日與天海商謀行劫天海復糾能世能世教誘伊子蘓大蘓二同行上盜榮生天海各執扁担於是夜二更抵事主屋後因犬吠難進天海令蘓大放牛文初聞牛脫絢開門而出榮生等尾隨進屋榮生持扁担打倒文初能世復行細嚼并

打一拳天海即取柴刀砍傷文初鼻梁殞命榮生入室  
又將陳氏送保細縛蘓二在外觀望蘓大旋亦入內各  
塗面刮物而去經該縣拿獲榮生等歷訊供認不諱賊  
經主認舒天海緝獲另結陳榮生等依強盜殺傷人不  
分曾否得財俱照得財律擬斬立決梟示查蘓大蘓二  
係能世之子上盜之時蘓大年止十六蘓二年止十二  
二犯俱係臨時被伊父及榮生等教唆同行今據該司  
援康熙三十九年九月內三咨司議覆浙撫題盜犯卜  
弟上盜之時年止十五歲因被陸二誘騙同行將卜弟

免死減等流三千里年未及歲照例收贖奉

旨依議欽遵之例呈詳臣思蘓大上盜年雖十六與年  
止十五未及成歲者稍有未符然被父教誘同行上盜  
且並未下手傷人論法固無可贖原情實有可矜相應  
將蘓大同未及歲之蘓二一併題請邀援免死減流  
收贖以廣

皇仁統聽部議臣謹具題伏乞

皇上睿鑒施行

奉

肯陳榮生蘇能世蕪大俱着卽處斬梟示餘依議

李四等謀殺錢松嫁賣其妻招罪疏 四十八年七

月

爲報明事該臣看得李四等謀死錢松一案緣錢松因  
貧攜妻陳氏子地壽暫住清水塘遇李四告以艱苦欲  
將伊妻嫁賣李四引松妻子至唐叅宇家嫁妻未成李  
四乃商同叅宇致死錢松嫁賣分財於十二月初一日  
假封禮銀誘松至陳富台舖內飲醉挨晚出門李四偕  
松先行叅宇借鋤隨後行至泉垵口叅宇拾石拋打錢  
松醉跌叅宇拉滾下坡李四等解松繫腰之繩纏頸殞

命屍槩窀內鋤土掩蓋歸家陳氏詢其何往李四荅稱  
醉死掩埋氏欲往看鳴官李四哄以明日同往復商叅  
宇誘稱往看報官至初四日始將陳氏帶赴唐鳳台家  
叅宇託何九鼎爲媒將氏嫁與羅國珍爲妻李四改名  
李大成主婚得銀二十六兩詎天厭其惡錢松屍露半  
面爲檢柴之孩童歸報牌甲轉報該縣旋獲真兇歷經  
研訊供認不諱李四唐叅宇合依謀殺人因而得財者  
同強盜論不分首從皆斬律均應擬斬立決陳氏雖不  
知情但事後不報官司聽從李四等嫁賣合依夫爲人

所殺而妻私和者律杖一百徒三年係婦人決杖一百  
餘罪收贖唐鳳台將李四等引領陳氏畱住在家何九  
鼎媒合嫁賣羅國珍不察來歷均照不應重律各杖八  
十唐鳳台年已七十照律收贖查陳氏等俱事犯  
恩赦以前均應免罪再陳氏仍應離異斷回給親但審  
無親屬可歸仍應斷給羅國珍領回完聚理合具  
題伏乞

皇上睿鑒施行

奉



旨李四唐叅字俱着卽處斬餘依議

太陽屯請照民地科則疏

四十八年七月

爲再三額奏垂憐事該臣看得湖南田地於康熙三十年丈量其時承丈各官或多奉行未善以致猶有不均如靖州衛歸併靖州太陽屯原額地多田少而承丈之官不分納糧輕重竟以地塘而科田賦業經前任督臣郭琇於清丈田畝等事案內會同前任撫臣金璽合疏題請改豁部覆該督雖稱地塘而科田賦但前項地畝刊載全書照依科則徵糧歷年久遠不便更改等因在案迄今多載徵輸如故臣正在確查間旋據該州祖彰

詳據屯民張政俸等呈請改豁臣隨行布政使佟國勳  
詳稱行據靖州查明該屯原以地塘爲田及科徵始末  
并親詣確勘情實等因具詳前來臣查靖州衛歸併靖  
州太陽屯康熙三十年丈量田地塘三項共一十四頃  
九十畝零而前任知州閻璋以全書舊編止有屯田一  
則未編地塘遂將該屯丈過之田地塘概作屯田一則  
起科每畝科銀五分六厘零原額并丈出共徵銀八十  
三兩七錢零內除田塘應照一則屯田徵輸外內有屯  
地一十三頃一十五畝零若照民地科徵止應徵地糧

銀四十兩九錢八分零今槩作屯田共徵田糧銀七十  
三兩八錢九分零若改照民地起科則應減額銀三十  
二兩九錢零又照民地共應徵米一十四石九斗零以  
六錢折價共應增本色米折銀八兩九錢零外實應減  
銀二十三兩九錢零臣思該屯應減糧銀雖爲數無幾  
而貧窶小民輸納爲艱今自丈量之後迄今一十餘載  
民實苦於賠累伏念我

皇上深仁厚澤連年蠲賑頻施動費金錢不啻數千百  
萬臣何敢以二十餘兩之減額壅於上聞使邊徼窮

民獨受偏枯之累且查辰州府屬之瀘溪辰谿二縣先  
因屯則糧重經前任督臣吳璵李輝祖兩次具

題荷蒙

俞允改照民則起科今靖州太陽屯地畝槩作田賦科  
徵賠累尤甚相應 題請仰祈

勅部俯將前項改額仍復地額准改靖州民地一例科  
徵俾屯民獲免包賠之苦而胥沾浩蕩之 恩永祝  
聖壽於億萬年矣

叅綏寧吳令臨口巡檢互訐疏 四十八年八月

爲特叅知縣巡檢互訐以肅法紀事該臣看得綏寧縣  
臨口司巡檢趙某詳訐該縣革職畱任知縣吳某諱命  
等欵吳某亦訐趙某私派各欵緣由經臣會叅部覆將  
吳某解任趙某革職寃擬臣隨行按察使卽延棟招解  
前來臣覆親訊如趙某詳訐吳某將命案隱諱不報臣  
查吳某諱命七案計一十七命並無轉報文案隱匿難  
辭又吳某徵收苗糧加派訊無受害告發應毋庸議又  
吳某齋戒日期任意用刑 朝賀大典一任早晏訊無

實據似難深求又吳某扣尅孤貧口糧訊據楊光富供四十六年李順等七名應給口糧一十二兩六錢扣存未發至禁卒等役工食歷有收領惟十四年前任署事知州李玠交存舖司工食銀一百七十五兩祥生私收入已又四十五年司倉存有耗穀九十九石零賣銀三十九兩城倉存穀五十五石折價二十一兩五錢吳某擅收入已均難辭咎再吳某詳訐趙某私派八款除裁革外惟四十三年收新任賀禮并弓兵拜見買羊折銀及火烟禾米訊據崗民石少凡等七人咸供俱經交

收趙某收受入已科歛之罪奚辭吳某除諱命狗庇輒  
罪不議外其侵收存庫銀扣尅孤貧口糧侵收存倉穀  
價合照守掌在官財物侵欺者并贓以監守自盜論律  
應擬斬係雜犯准徒五年吳某係旗人應解部枷號三  
個月零十五日照例免刺贓銀殺石聽部行令該旗照  
追入官趙某除失察衙役犯贓輕罪不議外計收七名  
新任賀禮銀弓兵拜見銀火烟禾米又羊每隻四錢以  
上共銀四十一兩應照非因公科歛人財者計贓以不  
枉法諭折半科罪律杖八十折責三十板贓銀照追入



官革役攢典陸觀英收冊費銀火烟禾米銀共銀七兩五錢六分照非因公科歛財物入已律一兩以上至十兩杖七十無祿人減一等杖六十折責二十板革役追贓入官均不准援 赦吳某趙某係貪官永不叙用餘審無干均應省釋臣謹具 題伏乞

皇上睿鑒施行

題叅郴州何牧誣陷李鳴山并監斃平民疏 四十

八年八月

爲詳報客解事該臣看得李鳴山原係鑲黃旗漢軍磨  
則堯佐領下鄂倫代家人因年老無用放出爲民先據  
按察司據郴州以鳴山供係旂人與原任桂陽縣叅革  
知縣朱袞交親來楚招集棍徒行踪叵測以致拿解詳  
司又據鳴山同家僕李定以誣盜具控各緣由呈詳到  
臣臣隨批行究擬茲據按察使鄧廷棟詳稱審據李鳴  
山堅供朱袞於三十六年以女許配李禹爲婚復借伊

房地典銀一千一百兩鳴山於四十六年挈子來楚就親并索前欠不期朱袞被叅鳴山卽欲北歸朱袞不能償欠致相角口朱袞與郴州係親遂以鳴山等欲行打搶朱袞卽將鳴山及跟隨之秦天柱等誣以遊棍旂人詳解致鳴山卽以誣盜誣旂具控今訊李子雲秦天柱係鳴山接媳婢去擡轎王如君係鳴山請他寫書教學劉元吉係醫生劉天才係火夫並無糾聚棍徒爲謀叵測串通妄報誣陷平人徇私溺職應提質審請叅革寃擬等因詳覆前來臣查李鳴山旣爲索欠與朱袞口角

並非旂人又非遊棍而郴州知州何某與朱袞原屬戚  
誼串同陷害竟將鳴山誣爲旂人遊棍聚衆打搶復令  
黃羽南做就呈稿勒令店家牌甲倒提日期具報以致  
無辜醫生劉元吉拖累斃獄火夫劉天才保外病故事  
關誣告陷害拖累平民必須逐一行提質訊方可定案  
除案內要犯朱袞黃羽南等分別各行提解并將無干  
省釋外但郴州知州何某現任職官未便提訊既據詳  
稱徇私溺職請叅革職寃擬理合 題叅請

旨將何某革職以便與有名各犯一併質審寃擬再監

魏劉元吉一名之管獄官係長沙縣典史王鵬展相應  
附泰以聽部議臣謹會 題伏乞

皇上睿鑒施行

題艾彩臣等拐賣人口援赦減等疏 四十八年八

月

爲報明事該臣看得艾彩臣乃奸狡棍徒也緣伊妹夫  
姚天佑住居安化某年內彩臣誘旗人三兒等五人至  
天佑家詐稱已僕將三兒賣與譚玉聖得銀十二兩老  
二賣與譚叔林得銀十兩家兒賣與姚永清得銀五兩  
五錢少兒賣與吳兼萬得銀十二兩金鳳賣與譚泰伯  
得銀十兩老二三兒旋即脫逃次年有黃爾昌探問金  
鳳言係旗人致泰伯等出首彩臣亦至縣署咆哮無忌

該縣徑解荊州將軍查訊彩臣至荆陵令各犯狡供飾罪後將金鳳遞回隨轍司提訊詎彩臣復來長被獲歷訊畧誘情由不諱查艾彩臣拐賣人口犯事投旗今訊據該犯自認騙賣寫契是真按律被誘之人十歲以下雖和亦同畧誘法共案內被賣家兒年止五歲彩臣雖計買謝聖生飾供不曾拐賣等語但查謝聖生於荊州發訊供稱家兒給天佑爲子並未供及賣身亦未供得受身價艾彩臣既寫契賣人得受身價難容狡卸應照凡誘取子女典賣不分良人奴婢已賣未賣但誘取者

被誘之人若不知情將爲首者擬絞監候例應擬絞監  
候查事犯 赦前應免死減等杖流又本條例內應擬  
流徒者不分旗下民人一槩發寧古塔給與窮披甲之  
人爲奴艾彩臣應照此例既投旗係旗人止將本身發  
遣金鳳知情被誘姚天佑知情作保均照例發寧古塔  
給與窮披甲之人爲奴係民併僉妻發遣姚天階雖亦  
作保實不知情應予不應重杖但金鳳等俱事犯 赦  
前均應免議所得身價及媒中銀兩照追給主老二三  
兒獲日另結理合具 題伏乞



皇上睿鑒勅下三法司核擬施行

刑部議 艾彩臣事犯 赦前應免死減等又查定  
例內應擬流徒者不分旗下民人一槩發與寧古塔  
給與窮披甲之人爲奴等語艾彩臣應解部發寧古  
塔給與窮披甲之人爲奴金鳳等均應免罪仍給主  
所得身價照追給主奉

旨知道了

題報親詣衡永等處查看水路疏 四十八年八月  
爲恭報微臣遵 旨親看水路日期仰祈 睿鑒事竊  
惟

皇上軫恤黎元每勤 宵旰圖維周至脩極精詳誠覆  
載之同恩尤史冊所未有臣欽遵 諭旨隨行布政司  
併各道等委官於有名馬頭大鎮店內察明買賣人姓  
名米數併將從前湖南運下糧米一併察明具報確核  
奏聞外臣於康熙四十八年八月十五日由水路親詣  
衡州永州瀏陽永興等處地方查看有無通江西水路

之處務悉情形入告至辰州府所屬臣於康熙四十二年會同勦撫紅苗又於四十七年會審黃萬年等一案兩經其地知其水路俱由常德府入湖達江更無別處可通江西似可無庸再往合併陳明所有微臣遵旨親看衡永等處地方水路日期理合具疏

題報伏乞

皇上睿鑒施行

叅朱副將虛兵冒餉疏 四十八年八月

爲特叅虛兵冒餉之弊以肅軍政以實邊防事恭惟我  
皇上制治保邦安內服外 文命旣敷於四海 武功  
尤震於八荒每於將帥之選旣備優隆士卒之勞倍加  
軫恤誠爲保障地方捍衛民生 慮至切而  
恩至渥也臣奉

旨前往衡永郴查看水路過衡州府率同司道府廳縣  
令護副將事都司田廷績齎送兵冊親詣教場校閱見  
其馬步守兵率多虛冒臣不敢容隱爲我

皇上陳之查衡州協額設馬戰兵七十三名內存城六十七名分防外州縣六名步戰兵一百一十三名守兵四百九十七名據馬戰目兵趙之璧等同稱實在馬兵共只有四十八名其餘盡屬虛名又據護副將事都司田廷績把總張有福同該營書辦陳尚衡等同稱副將朱某親丁馬戰糧十六名步戰糧十一名守糧十八名又降調都司賀爾熾護都司事千總潘士洪親丁馬戰糧五名步戰糧四名守糧十九名又呈送提督馬戰糧四名楊才等步戰糧六名周用等守兵糧二十五名龍

章等俱取有親筆押單據此該臣看得定例內副將親丁三十名都司親丁十名案准部咨內開湖廣馬兵數少將此官弁親丁俱於步兵缺內頂補此定數外將家人額外爲兵或將老弱不諳弓馬之家人克數爲兵或無家人頂食虛糧等情弊許上司不時嚴查提叅若上司將此等情弊不行查叅或被旁人出首將該督撫提鎮等嚴加議處等因在案今已叅衡州協副將朱某親丁至四十五名之多內又私食馬糧十六名降調都司賀爾熾護都司事干總藩士洪親丁至二十八名之多

內又私食馬糧五名殊屬虛冒現任都司田廷績雖止  
收正月一個月糧亦難辭咎至提督俞某抽取該協馬  
步守兵糧共三十五名以致該協缺少馬兵四名步兵  
六名守兵二十五名尤屬違禁臣思

皇上選將旣極其優隆撫兵更厚爲軫恤似此虛兵  
月餉之員以有用之錢糧飽無窮之谿壑使營伍有兵  
之名而無兵之實何以肅軍政何以實邊防甚非所以  
報

皇上參養之恩也臣一介孤子謬任封疆非不知言之

而適以招怨且漸必取禍但臣受

主恩深重不顧頂踵若知此虛兵冒餉既查詢得實而  
扶同隱匿畏避不言以負

皇上臣罪何可勝誅故寧言之而甘受怨禍不敢不言  
而上欺

君父爲此據實會疏 題叅請

旨勅部將朱某等嚴加議處併有名營書提究追擬庶  
兵有實用而餉不虛糜矣再查朱某已經臣於官支民  
米等事案內糾叅至此案內有提督抽取兵餉不便與



提督會稿合併陳明伏乞

皇上睿鑒施行

奉

旨這所參事情着俞某明白回奏餘着嚴察具奏該部

知道

題請嶽廟僧綱道紀准給印信疏 四十八年九月  
爲嶽廟新建已成僧道看守非易額懇專司以定成規  
事該臣看得南嶽爲

皇上主壽之山迄今廟貌維新官民稱慶前據布政司  
詳議以南臺寺僧胡心玉授爲永壽僧綱司銓德觀道  
士王常忝授爲永壽道紀司併請鑄給印信緣由經臣  
據詳咨達先准禮部咨覆南嶽廟並無額設僧綱道紀  
之員不便鑄給印信胡心玉王常忝應如所委照僧綱  
道紀管理南嶽廟內事務續准吏部咨覆查鑄給印信

例由該撫具題今此案並未具題不便遽議應咨  
回具題到日再議各等因俱經檄行布政司遵照去  
後茲據布政使佟國勣詳稱設立永壽僧綱道紀原以  
肅稽查昭欽敬似非尋常設官可比請照永壽巡檢一  
體鑄給印信等因具詳前來臣查南嶽僧綱道紀雖無  
額設但今壽嶽鼎新

宸翰疊貯凡屬臣民無不趨踰瞻仰真從來未有之  
盛典且嶽山地方遼濶僧居道院繁多稽查之責誠不  
可緩相應題請仰祈

勅部將永壽僧綱道紀二員准照永壽司巡檢之例一體鑄給印信以重職守俾僧道各有專司而

盛典永垂萬世矣臣謹會 題伏乞

皇上睿鑒施行

吏部議 應如該撫所題移咨禮部鑄造給發奉

旨依議

叅永州鎮唐遊擊縱兵肆橫疏 四十八年九月

爲謹瀝輿情仰祈

睿鑒以昭法紀以安地方事該臣看得臣奉

旨查看衡永等處水路於康熙四十八年八月二十六  
日抵永州府據零陵縣民陳生道等各食呈到臣隨批  
飭永郴道查詳去後茲據該道率同府廳縣公同查訊  
錄供具詳前來臣查一爲營兵夥盜偷牛中途短接牛  
一進城就行屠殺坑陷小民妨農失業周振可審一爲  
營兵放債一年三轉十倍利息設局囤賭陷害多人傾

家破產唐星臺等可審一爲營兵下鄉派取稻草砍伐墳山樹木勒要鄉民挑送河邊搬船裝運人人受害陳生道等可審一營兵守門凡遇担挑等物進城要柴要菜要油稍不遂意就是打罵窮民難受剝嚼陳生道等可審以上四條皆山營官縱兵肆橫小民忍苦吞聲所當請

旨嚴究飭革以除民害者也至永鎮中營遊擊唐某將餉銀交發舖戶換錢每封十兩實數止有九兩五六錢每兩比市價必多要五十文舖戶本少公議分賠胡惟

興併被害錢戶頭人向尚綸等可審唐某又奪便河塘  
公田二十畝給朝陽莽僧人管業被害陳文併僧人淨  
明可審唐某又於康熙四十五年占住衛守備衙門併  
鎖占義學拆毀舊守道衙門起造箭亭生員張旌等十  
四名可審臣率同該道府廳縣親詣查驗是真又據零  
陵縣詳據總甲詹聖附近居民樂君先等可審唐某身  
係中軍乃發銀換錢尅減銀數多勒錢文致錢戶攤賠  
城內城外家家賠累且強奪公田占住衛守備衙門鎖  
占義學拆毀舊守道衙門種種不法溺職已極所當請

旨革職嚴提究擬以除民害者也永州鎮總兵官李某  
統轄全鎮不能輯兵安民聽任中軍唐某恣意妄行民  
怨沸騰又李某在永州府永安門內開張當舖出輕入  
重有僱覓看當人邵佳謀供稱呈寫李存義名字當名  
就叫存義當併唐星墓蔣茂可審取利病民殊屬違禁  
但係總兵官應候

聖裁查定例內州縣官將民之苦情已經詳報而上司  
不接准題達者將上司亦行革職臣備員封疆既身  
歷該地方目擊士民奔籲查訊得實何敢瞻徇隱諱



不上聞以辜恩欺

主負國害民臣仰體

皇上養兵衛民之意故不避嫌怨據實會同總督臣郭  
世隆提督臣俞益謨合詞題叅伏乞

皇上睿鑒全覽施行

望上漸遷全覆蘇許

冊制其晉出俞益菊合隨 興祭為了

皇土養兵論以文意姑不較難悉辨實合同慈骨里樂

主實 因書以用附錄

不 上問以華恩堪

各衛人命案拘解逾限處分例疏 四十八年九月  
爲衛官地方責任宜專詳請以定考成庶免遲延違限  
事該臣看得人命重案衛所備弁定例無承審之責但  
一經據報應卽獲犯移解豈容忽視延擱前據岳州府  
知府詳議附郡之永定九谿二衛命盜案件及行提人  
犯三款因府衛相等諸事遲延該府徒受叅罰詳請定  
例緣由臣隨批查茲據按察使卽廷棟議覆前來臣查  
定例武職解犯遲延以及

欽部事件逾限者雖均有罰俸一年之例然其處分稍

輕以致因循玩忽臣請嗣後凡衛屬屯民附居州縣者  
遇有人命事件卽就近赴州縣控告該州縣官照例驗  
傷通報其在衛官轄屯民離州縣甚遠者如有人命事  
件乃赴該衛具控該衛卽據詞拘犯移解附近州縣聽  
其驗審一面具文通報若人犯已經移解倘有推諉遲  
延則叅罰在於州縣如人命已經控衛不卽拿犯移解  
任其脫逃承審官移催不應限滿之時應將該衛職名  
查叅照例令其限年緝拿衛備既有應叅處分自必遵  
例拘解則重案得以早結至於各衛盜案發覺舊例具

文通報一面差役拘擒詳叅踈防如限年緝賊無獲俱  
叅衛備如衛備已經獲盜移解州縣承審遲延則叅州  
縣此例行之已久應毋庸議再如臣及各衙門間遇緊  
要詞訟必須准理者其案內人犯或係各衛屯民承審  
官奉文之日卽備開差役移提該衛應卽添差嚴拿如  
衛備不速拘犯移解或致遲延違誤卽將衛備與承審  
之官一併查叅聽部議處庶承審文官得以依限詳結  
免受無辜叅罰而衛備知有責成不致岐視推諉矣理

合具疏

題請仰祈

自治官書

卷六

易

ノ市

ノ

十一

懷集堂

勅部定議以便遵行

題報查看水路情形併回署日期疏 四十八年九

月

爲恭報敬臣遵

旨查看水路情形併回署日期仰祈

睿鑒事竊照臣遵

旨親詣衡永等地方查看通江西水路之處已經

題報在案臣查長沙府屬湘潭之淥口進小河抵醴陵

縣九十里至江西界之湘東市有一線水路四十里至

萍鄉縣旱路五十里至蘆溪方可下船到江西再自湘

潭縣而上至衡州府屬衡山縣之雷家埠小河抵茶陵  
州又九十里至江西界之高壠起旱八十里至江西永  
新縣之潞江方可下船到江西再自衡山縣而上至衡  
陽縣之耒河口進小河過耒陽縣至郴州屬之永興縣  
該縣水路至郴州止起旱八十里至宜章縣由水路可  
到廣東樂昌縣並不通江西再自衡陽縣至永州府與  
廣西睥界並不通江西自長沙府山溪河二百餘里至  
瀏陽縣處萬山之中並無水路可到江西此湖南之衡  
州永州瀏陽永興等地方俱無水路通江西之情形也



其辰州府河道上達貴州鎮遠府以及靖州天柱縣下  
至常德東達長沙北入洞庭湖經岳州以達大江並無  
徑通江西之虞臣於康熙四十二四十七年兩歷其地  
詢知水道已於前疏陳明又衡州府屬之衡陽縣素稱  
出米之區有運下江南浙江者遵

旨查造另摺奏聞其永州府因灘高水急並無客商  
販賣卽有民間零星貿易亦皆載至衡陽發賣又據辰  
州府報稱從前人民稀少故米穀有餘近來生聚日繁  
本地所產之米穀僅足敷本地之日用永興縣詳稱先

年征勦逆賊時百姓盡皆躲避所有糧米俱皆遺棄在  
家今則百姓止給糗殮卽有易銀應用不過肩挑赴市  
零運附近貨賣亦爲數無多從無糧食牙行並無客商  
販運瀏陽縣詳稱先年戶口稀少是以存有余糧近來  
家戶稠密出售者寡且灘河溜水不能重載間有土賤  
之家及小本經紀亦僅裝穀一二十石裝運長沙投行  
糶賣本處從無馬頭行戶亦無客商到縣此又衡永辰  
三府及永興瀏陽二縣等處有無販賣米石之情形也  
臣既逐一查明已於九月十九日回臣駐劄衙門現在

稽駕迎下米石摺 奏外所有微臣查看水路併四署  
日期理合具疏 題報伏乞

皇上睿鑒施行

摺奏湖南運米買賣人姓名數目稿 四十八年九

月

奏爲遵

旨奏 聞事竊照臣准戶部咨奉

旨令臣等委令賢能官員於所屬有名馬頭鎮店察明  
買賣人姓名米數每月具摺奏 聞江南浙江督撫亦  
照此奏摺咨會又奉 硃筆將

命下以前湖廣運下糧米有幾交臣等察明奏 聞并

奉 硃筆

諭旨湖廣省衡州永州辰州瀏陽永興等處糧米甚多  
此等地方若有通江西水路之處令臣親詣此等地方  
悉其情形欽此仰見我

皇上睿慮精詳源流畢見將見轉輸盡歸東南米價不  
致騰貴皆出我

皇上宵旰憂勤軫恤黎元之勝筭也除查看水路情形  
臣已經具疏 題報外臣等遵奉

諭旨會查得湖南長沙府屬之湘潭縣衡州府屬之衡  
陽縣係有名馬頭大店凡隣近州縣及本地所產米石

皆運往出賣商販交易多聚於此而長沙府屬之長沙  
善化湘陰三縣衡州府屬之衡山縣岳州府屬之巴陵  
澧州二州縣常德府屬之武陵桃源二縣俱傍大江或  
通江路亦有買賣米穀所有買賣人姓名米穀細數及  
發賣地頭理合逐一開摺進呈

御覽再查原奉

諭旨止令察明運下江浙販賣米數但湖南相距江浙  
甚遠本處所產之米運下江浙者居多或在漢口地方  
出售或轉賣與江浙貿易之人得銀買貨仍復賣貨買

米短運往來而徑運江浙者甚少且江浙買米商販多在漢口購買而直抵湖南者無幾是湖北轉運江浙之米即係湖南運下漢口之米今若遵

旨僅將運下江南米石開報則湖南之運下米數寥寥而湖北運下江浙之米反覺無有出處是以將運下漢口之米一併開入至於販賣穀石原未奉

旨行查今湘陰澧州運下之穀俱至漢口出糴自必碾米轉售似應併行開列再查湖南米穀散在各處不得不通行稽查又臣查看水路過衡陽湘潭復親身詳察

於九月十九日卽署卽彙齊星夜繕摺非敢稍延至八月分買賣米穀現在查核另摺具奏合併陳明



題龔文奇打死龔禹生情急救父免死減等疏四

十八年十月

爲活活打死父命事該臣看得龔文奇與被毆身死之  
龔禹生係小叻伯姪素無仇怨緣禹生有田一所併茶  
園一隻先年賣與龔世安爲業後世安將田轉售劉姓  
存留茶園未賣迨禹生之子龔愈祺將原田贖回并向  
世安索退茶園世安不允愈祺與世安嚷打文奇在田  
做工趕回救父禹生亦出護其子適遇文奇卽以拄杖  
向擊文奇奪杖打龔愈祺禹生將手一擡誤打禹生右

手禹生奪棍文奇復戳肩井一下以致禹生受傷折肢  
越三十八日殞命歷審供認不諱龔文奇合依卑幼毆  
本宗小功尊屬死者斬決律應擬斬立決龔世安審無  
主謀情事但伊子行兇不卽攔阻重杖允宜龔愈祺搶  
打服叔龔世安併應律擬但龔世安俱事犯

恩赦以前照例免罪理合具題抑臣更有請者龔文  
奇毆傷服伯龔禹生致死依律決斬無辭但文奇因龔  
愈祺先與其父驤打起回救父禹生持杖向擊文奇文  
奇奪杖打愈祺誤打禹生右手禹生又奪拐杖文奇復

戮肩井一下致殞命於三十八日之後法無可貸情似可原倘蒙

皇上矜其救父之愚致羅重典姑寬一日之命改予監候則該犯雖赴重泉啣結

皇恩於生生世世矣伏乞

皇上睿鑒勅下三法司核擬施行

奉

旨龔文奇爲救伊父誤毆龔禹生越三十八日殞命着從寬免死減等發落

刑部咨 應將龔文奇照例枷號兩個月責四十板  
仍追埋塋銀兩給與死者之家可也

題謝衆生推跌胞兄謝道生身死畱養疏 四十八

年十月

爲報明事該臣看得謝衆生推跌胞兄謝道生身死一  
案緣衆生弟兄幼失其父依祖謝惟美度日某年月內  
道生向祖索銀生理祖無銀與道生遂欲賣產伊祖不  
從道生終日炒鬧伊祖無奈只得借湊銀二十五兩付  
給某月日道生欲出外貿易衆生以祖年老母係寡居  
阻伊不應遽出詎期言逢伊怒致相口角衆生登樓告  
訴於祖道生即隨至樓上毆打衆生衆生失手一推道

生墜於樓下跌撞磚塊磕傷頂心偏右次日殞命歷訊  
供認無異謝衆生依兄弟妹毆同胞兄姊死者斬律擬  
斬立決夫復何辭但據伊母謝阿丘泣訴夫喪僅存三  
子一子巽生早已過繼三房一子道生又已跌死今止  
存衆生一子若罪加抵償不惟阿丘無葬卽一家裡祀  
必絕祖宗祭享無依并據親叔謝覲侯哀籲乞畱情實  
再於相應附疏 題請應否俯從寬宥以廣

皇仁伏候

睿裁

九卿詹事科道會議應將謝衆生免死枷號兩個月  
責四十板奉

旨依議

題鄭遠英溺死服姪鄭丁又熊青溺死子熊省一

案將流犯援赦疏 四十八年十月

爲報明事該臣看得鄭丁等被溺身死緣鄭丁偷竊黃  
巨伯猪隻巨伯尋至白泥嶺鄭遠英等聽聞遂約彼此  
搜尋至鄭丁家尋出毛瓜井搜出服飾鄭丁自認服飾  
係同熊省偷竊李文捷之物毛瓜係自竊巨伯之猪遠  
英等卽將鄭丁拏至鄭先奇家遠英發關通族又報熊  
青帶子熊省與鄭丁面質俱各直認遠英等將鄭丁擁  
至硃砂坳河邊遠英一人將鄭丁推河淹斃熊青帶回



伊子因恨平日不孝又見行竊事真不聽衆勸亦不報官將子熊首推入楊樹洲內淹死歷訊各供如繪鄭達英首先主意發開族衆繼又下手推水淹斃謀殺之條法難寬貸查達英係鄭丁小功服叔合依尊長謀殺卑幼已殺者依故殺法照故殺者絞律應擬絞監候鄭先奇等審未動手合依謀殺人從而不加功者律各杖一百流三千里僉妻發遣熊青合依子孫違犯教令而祖父母父母非理毆殺子孫者律杖一百其鄭青等雖同伊父伊兄行竊並未進屋分贓均合依竊盜已行而不

得財者律筭五十折責免刺但熊青等各犯事在赦  
前相應援免李文提等家竊贓照數追給再康熙四十  
八年八月二十四日臣准刑部咨開強盜謀殺故殺雖  
在不赦之條然細味

恩詔欵係此等案內真正死罪不赦其軍流等罪應  
並從寬宥以廣

皇仁等因奉

旨依議欽遵在案今此案擬流之鄭先奇等雖干謀殺  
係從而不加功所犯既非真正死罪應免一併赦免

理合具題伏乞

皇上睿鑒勅下三法司核覆施行

奉

旨鄭遠英依擬應絞着監候秋後處決餘依議

題永壽司巡檢請給俸工銀兩疏 同十八年十月  
題爲詳請移駐巡檢永崇 壽嶽盛典事該臣看得衡  
山縣草市巡檢劉長慶經臣會 題調補新設永壽司  
巡檢部覆奉

肯依議茲據布政使佟國勣詳稱新設永壽司巡檢應  
設皂隸弓兵各役查湖南各屬巡檢全書編載皂隸二  
名俱同一例惟額載弓兵一項多寡不一蓋因地之繁  
簡而設今嶽山地方遼濶巡查需役請將永壽司巡檢  
照依草市巡檢設用弓兵一十四名皂隸二名其巡檢

自治官書 卷六 奏疏 永壽司俸工 命 袁寶堂

每年應需作薪銀三十一兩五錢二分皂隸二名每年給工食銀六兩該工食銀一十二兩弓兵一十四名每名亦照皂隸工食各給銀六兩該工食銀八十四兩以上共該俸工銀一百二十七兩五錢二分照乾州鳳凰營二處巡檢之例於湖南司庫地丁銀內照數支給等因具詳前來臣查南嶽地方實爲遼濶近以建造維新御書寶貯往來朝謁甚衆居民益見稠密稽查防範誠不可緩但永壽司巡檢係新設之員其應用人役自應照例添設所需俸工銀兩旣據該司議詳相應

題請照 例准其支給以崇奉壽域永祝 萬年臣謹  
會 題伏乞

皇上睿鑒施行

叅鄆縣張令泚費併請照例清丈疏 四十八年十

一月

題爲違禁泚墾藐

旨不首矜棍欺隱坐墾病民頒究均沾事該臣看得田  
畝荒缺一案有荒者具報開墾不許加荒壓泚致有包  
賠反爲苦累臣嚴行檄飭復出示曉諭以期上不虧課  
下不病民乃州縣奉行不善一任豪強欺隱熟者不據  
實首報荒者不按畝責墾更將應墾之荒攤加業戶其  
欺隱多者雖加以數畝十百畝而尚未盡符隱漏之數

若無欺隱者卽加以畝數或分厘而實不耳受賠累之  
艱况紙上有墾而地上未墾則名墾而實仍荒終將虧  
課且冊內有田而戶內無田則名荒而實無荒寧非病  
民茲據衡州府鄧縣民霍作善等控告該縣派墾又據  
布政使佟國勳等詳稱該縣若無欺隱何爲按畝加  
派則鄧縣知縣張其溥借派墾以飾欺隱咎所難辭會  
詳請叅前來相應會疏 題叅請  
旨勅部嚴加議處庶州縣知所儆惕不致加荒派墾而  
邊壤窮民感沐



皇恩於億萬年矣抑臣更有請者鄆縣尚有懸荒田五萬餘畝其荒而未墾者少熟而不報者多今豪強相率欺隱首報已經停止若按戶稽查不勝煩擾而通縣之弊亦非一時所能察倘任其自報則以熟爲荒終無成熟之日如責其盡報則無荒可墾必至有壓派之累合無請照臣屬寧鄉之例准其清丈寬其限期使有旧者不致欺隱而無田者不致包賠則於國課民生均有裨益矣臣身任地方目擊此案情形舍清丈別無良法故敢上瀆

宸聰臣謹具題伏乞

皇上睿鑒施行

題大刺司巡檢五寨司吏目請照邊俸陞轉疏 四

十八年十一月

題爲極微苗地苦員冒昧額卽循例詳請 題改邊俸  
一視同仁以廣

皇恩事該臣看得大刺司巡檢暨五寨司吏目以其地  
處苦邊呈請俱照邊俸陞轉一案茲據布政使佟國勳  
詳據辰州府詳稱大刺司地方係屬苗區前設有長官雖  
本朝未曾請卹承襲而地土現屬應襲彭景管轄報墾  
秋糧亦一小土司其五寨司吏目深處苗境俱應請照

邊俸陞轉等因前來臣查大刺司巡檢五寨司吏目二  
官員缺既屬苗疆相應據詳 題請仰祈

皇上俯念巡檢吏目二員均係地處邊徼允照邊俸之  
例一體陞轉庶

皇恩普被遐荒而末吏咸思感舊矣臣謹具 題伏乞  
皇上睿鑒施行

吏部議 應將大刺司巡檢五寨司吏目准其與四  
川貴州等省官員邊俸之例陞轉奉

旨依議

四十八年 大計附薦各官疏 四十八年十一月  
爲 題明事該臣看得三年黜陟崇獎吏治典至隆也  
我

呈上撫綏億兆尤先澄叙官方臣一介庸材叨

恩非分惟思察吏安民以無負

聖主委任至意是以誥誡屬員務期大法小廉共襄治  
理今當課吏之期後詳加諮訪雖不乏才守兼優堪膺  
卓異之選但或歷俸未滿或因公掛議臣既不敢以不  
合例之員遽膺 大典而使黽勉奉職者竟不獲一達

宸聰臣心竊有所不安茲據司道府等開報請薦辰沅  
靖道副使孫調鼎等八員前來合之臣所見聞無異謹  
將各官事實臚列爲我

皇上陳之 計開 附薦官八員 辰沅靖道副使孫調

鼎 辰州府同知宋吉金 靖州以知縣管理州事祖

彭 衡州府桂陽州知州伍士琪 寶慶府武岡州知

州陳圖 辰州府沅州以知縣管理州事馬騫雲 淑

浦縣知縣譚再生 郴州宜章縣知縣楊歲 以上八

員持已克廉遇事有爲修政事而安邊郡興教化以淑

民風刑罰既無慙加倉庫悉帑實貯而爲屈員之盡職者但各該員或以歷俸未滿或以因公掛議皆不合卓異之例不敢正舉然人才難得臣又不敢拘於定例而壅於

上聞以蹈蔽賢之咎所當特疏附薦以昭鼓勵臣謹具題伏乞

皇上睿鑒施行

四十八年 大計八法各官疏 四十八年十一月

爲題明事該臣看得澄清吏治必先分別勸懲使奉職者知所奮勉而不肖者亦不敢萌希倖之念臣沐皇上高厚隆恩兼奉綏輯撫安

御書敬勒恭懸時時瞻仰如見

天顏惟期所屬大小諸臣絜已愛民奉公稱職克副聖主整飭官方之

睿懷今當舉行黜陟臣詳加查核有才守兼優者雖歷俸未深因公被議於例不符亦據實



上聞以示獎勵其餘平常無過固不敢撻拾微疵稍致  
屈抑若有干八法亦何敢姑爲寬宥有負激揚茲據司  
道府等開報應劾各官前來合之臣所見聞無異除並  
無貪員及有疾外其有干酷劣等法之龍陽縣知縣張  
某等一十六員遵例開列通爲一本計開酷官一員  
常德府龍陽縣今革職知縣張某 此一官者聽斷無  
術任性酷刑民怨沸騰查該員雖於詳報事案內革職  
但係酷員所當請

旨勅部照例行令提問以便究擬者也 不謹官三員

益陽縣典史黃某 零陵縣典史吳某 臨武縣典史龐某

罷軟官二員 鄱縣知縣張某 新化縣典史張某

年老官四員 湖南驛鹽糧儲道叅議成某 新田縣

訓導元某 桂陽州吏目張某 若水司巡檢劉某 才

力不及官五員 新田縣知縣徐某 澧州訓導鄒某

耒陽縣典史王某 沅江縣典史俞某 蘇溪司巡檢

王某 浮躁員一官 茶陵州吏目陳某 此十五員

者或縱役婪賍曠職嬉戲或疎懶罷懦政務廢弛或年  
老衰憊或聽斷無能或訓迪有乖或輕妄違例以上各

官既干八法之議自難姑容竊位臣謹具 題伏乞

皇上睿鑒施行

題明俞提督回奏虛兵冒餉情節疏 四十八年十

二月

題爲微臣負 恩實深受侮已極卽祈

聖明立賜罷斥以勵臣職以全 國體事竊臣一介孤

踪庸材陋質荷蒙

皇上高厚隆恩游擢巡撫惟思料理地方安輯兵民使  
湖南邊壤樂享太平稍報

君父之恩於萬一至臣與提督俞某同官數載頗稱協  
和康熙四十二年勦撫紅苗四十五年會審土司共事

或數月或數旬並無纖毫之芥蒂祇緣本年八月內奉  
旨前往衡永一帶查看水道因在衡州府較閱兵丁射  
箭見其兵馬數目不符查有副將都司虛冒併報出提  
督抽扣兵糧臣從營伍起見不敢瞻徇以欺

皇上以悞地方隨具特奏虛兵冒餉一案據實上  
聞康熙四十八年十二月初五日臣接閱邸抄提督俞  
某爲遵

旨明白回奏一疏伏思 聖明自爲洞鑒臣何敢再行  
瀆奏以煩

天聰惟是臣心實有不自臣身實有難存不得不就提  
臣所奏爲我

皇上一一陳之據提臣倉猝點兵及至教場又不  
閱兵技藝一味動刑勒令兵房供認副將都司虛冒及  
提督抽取兵丁數目嚴刑之下何求不得等語查衡州  
接壤長沙其防汛不嚴屢報疎失又聞該協兵馬甚是  
半常是以臣奉

旨前往衡永查看水道於八月十九日到衡州卽令都  
司田某帶領各兵丁前赴教場較射而臣亦帶標下隨

行之守備楊鵬等同往比箭有衡永郴道衡州府衡通判衡陽縣俱隨至教場據都司田某呈送點兵冊開馬兵六十名步戰兵三十一名守兵四十九名及至點名射箭時臣以步戰兵孟士傑王季文頂替馬兵射箭殊屬玩法卽行該都司革除名糧通報是該協兵餉之虛冒總由射箭兵丁名數與經制兵丁名數合算不符是以水落石出若非各書辦之自行吐露卽有虛冒何從查察但各書辦既經開報副將都司虛冒併及提督扣一時官民共有見聞雖巡撫之提督軍務本是虛銜

而定例頂食虛糧等類不行查叅巡撫亦在嚴加議處  
之內臣既身歷其地日擊其狀而扶同掩諱日後倘有  
發覺百喙難辭是以不避嫌怨據寔題報雖冒昧之  
咎固不容遁而遵例查叅實非得已今提督臣謂臣至  
教場不閱兵技藝試思頂替馬兵射箭之步戰兵孟士  
傑王季文已經革糧通報豈提督未之見耶如此而尚  
謂不閱兵技藝必如何而後可爲閱兵至謂臣動刑勒  
供何不指明所動何刑是副將都司以此欺提督而提  
督卽以欺



皇上也又謂共事七載被叅七次臣更不勝駭異查臣  
與提督衙門並無關涉有何叅劾惟康熙四十七年軍  
政提督俞某疏稱偏沅巡撫趙某等各揭報臣以巡撫衙門  
從無揭報提督之例是以疏請查明績准部議據提督  
呈稱因書識繕正之人竟將咨移二字遺漏將遺漏之  
人滿加責懲應毋庸議等因具題奉

旨依議欽此欽遵在案是臣所遵者

朝廷之體統非爲一已而較量此外並未敢得罪提督  
而提臣謂被叅七次不知其六次是何案件是何緣由

提督卽欲叅臣陷臣而不應以此欺

皇上也至提督謂臣實無善政此不待提督言之臣亦自知之臣無才無力有何善政不過祇遵

聖訓盡革私徵力減加耗而衰年竊祿深愧素餐提臣所言極爲切當此臣之所爲亟請

皇上立賜罷斥以勵臣職者也至臣備員巡撫極知愆尤叢積但臣奉職無狀

皇上自誅之殛之提臣安得而侮之辱之臣雖不肖未

膏

台

國朝

三

三

皇上之斧鉞則猶一撫臣耳何至以

皇上未加誅殛之撫臣而提督輒指之爲如鬼如蜮且臣奉

旨往衡永查看水道非鬼蜮之奉差也臣在衡州教場非鬼蜮之潛行也臣無一毫之賍私豈有賍私者非鬼蜮而無賍私者反爲鬼蜮臣無一字之欺罔豈有欺罔者非鬼蜮而無欺罔者反爲鬼蜮提督卽欲叅臣陷臣而不應傷臣辱臣詆毀至於此極臣不足惜如

國體何

皇上卽不斥臣提督必將殺臣卽提督不能殺臣而臣亦何顏立於官民之上與之比肩事

主此臣之所爲亟請

皇上立賜罷斥以全 國體者也總之臣賦性愚昧暗於事勢惟知畏

皇上不知畏提督其招怨取禍臣原疏已痛切言之今觸提督之鋒而侮辱一至於此仰祈

皇上鑒臣憐臣卽賜罷斥則感激

高厚永矢於生生世世矣臣謹具 題伏乞

自注官書

卷六

七

懷策堂

皇上睿鑒施行

題捕役易珍等誣良爲盜援 赦疏 四十八年十

二月

爲大盜明火劫擄等事該臣看得黔陽縣貢生黃飛遠  
家被盜行劫該縣據報差捕易珍等躡緝盜贓易珍見  
曾選明之子身穿蘭袍一件疑爲事主失物於某年月  
日於洪江飯店將選明鐵鎖往縣鎖於石姓之家私刑  
吊拷選明只得允從首出同夥一十三人照扳向老周  
等旋經拿獲而易珍仍行私拷教扳寶聖等八人及至  
見官周令卽行夾打老周遂誣扳寶聖等迨後拿獲易

珍復行拷打勒令認贓各犯將已物供抵失主不敢冒認經該府詳委淑浦沅州二州縣會審由司招解臣加覆訊選明等極口稱冤卽易珍劉祥亦自認誣盜情真易珍劉祥合依將良民誣指爲盜捉拿拷打不分首從律俱發邊衛永遠充軍洵不爲枉經承卜國選任聽本官將獲盜月日更改不行稟阻合依不應重杖均革役但查易珍等均事犯赦前相應援免魯選明等均屬無辜應行省釋此案真盜飭緝務獲另結至黔陽縣知縣周溥先經失於覺察復又疊刑推問更改月日扯破

首呈有干 功令典史李郁捕盜是其尙責乃捕役誣  
拿私刑不能覺察相應一併附叅統聽部議臣謹具  
題伏乞

皇上睿鑒勅部議覆施行

刑部議 查捕役易珍劉祥妄拿良民爲盜株連一  
十餘人俱私刑吊拷勒逼認盜認贓以致良民疊受  
重刑監禁年餘情罪可惡與尋常誣一二人者不同  
不准援 赦應將易珍劉祥俱僉妻發邊衛永遠充  
軍至配所各責四十板卜國選 赦前免罪仍革役



自治官書

卷六

奏

易王言王

究

懷錄

被誣之曾選明等俱釋放再先失覺察復疊刑推問  
更改月日之知縣及捕役誣拿私刑不能覺察之典  
史照例議處真盜勒緝務獲定擬奉

旨知道了

題李南明毆死胞兄李爾如奉 旨不准留養疏

四十八年十二月

爲報明事該臣看得李南明毆傷胞兄李爾如致死素  
無嫌怨緣南明於某年月日見鴨食禾拾石擊死爾如  
鴨隻爾如詈罵并用拳打南明趨避爾如拾鋤趕打南  
明奔走適門閉塞酒醉情急奪鋤擊傷爾如偏左爾明  
又打南明還拳毆傷咽喉左腋臍爾如復持鋤趕打南  
明急迫取鎌刀欄格攔傷中右肩甲并左右胳膊又脚  
踢傷右脇爾如傷重至夜殞命歷訊自認不諱李南明

合依弟妹毆同胞兄姊死者斬律應擬斬立決茲據按察使郎廷棟招解前來臣覆核無異理合具題聽部核擬再照臣於親訊之時據李公順泣訴伊父李贊卿生伊弟兄三人伊係週歲出繼外房伊兄爾如已經死故止有其弟南明一人今問抵償宗祀絕滅哀籲原情臣思南明以弟毆兄致死論法固無可貸但據稱南明問抵一房裡祀無人承繼號訴請切臣不敢不以上聞相應附疏一併陳明恩出

聖裁臣謹具 題伏乞

皇上睿鑒勅下三法司核擬施行

奉

旨李南明着卽處斬

請仍照例支給節婦建坊銀兩疏 四十八年十二月

爲彙題

旌表事該臣看得節孝有關風化表揚咸戴

皇恩伏讀

大清會典內開順治十三年題准凡旌表節孝建坊銀兩應於各該州縣學師生空缺俸廩銀兩支給永爲定例等因仰見

聖朝崇獎節孝特給坊銀以示風勵誠盛典也是凡

節婦建坊似應遵照定例於師生空缺俸廩銀內支給  
乃近來舉報節婦俱准部咨聽本家自行建坊並未開  
明動給銀兩臣思節婦守志閨門幸蒙

恩准建坊固已增榮閭里豈敢復希非分上瀆

宸聰但查

大清會典所載支給銀兩既永爲定例今若止聽自行  
建坊不惟與例未符且恐甄甄嫠婦多有不能勉力建  
坊者芳名雖錫於一時苦節難期於不朽旦暮湮沒終  
負

聖恩臣請凡題准節婦建坊銀兩仍遵

大清會典定例於各府州縣學師生空缺俸廩銀兩內  
照例支給庶風教旣樹奕世猶慕其流芳天地同長  
萬年永祝夫

聖壽矣

禮部議應照該撫所請行令戶部并各直省嗣後  
凡蒲漢孝子順孫義夫節婦貞女仍照會典給銀三  
十兩令其建坊可也奉

旨依議